





第八九四册

四庫全書

●上海古籍出版社

本冊目次

太平御覽(二)

宋李昉等奉敕撰……一

欽定四庫全書

子部

太平御覽卷九十五

欽定四庫全書

太平御覽卷九十

皇王部十五

光武皇帝

更始

宋 李昉等撰

後漢世祖光武皇帝

東觀漢紀曰光武皇帝漢高帝九世孫也出長沙定王發之後

欽定四庫全書

太平御覽卷九十五

素宏漢紀曰孝景帝生長沙定王發發中子買為舂陵節侯買生鬱林太守外生鉅鹿都尉回回生南頓令欽欽生光武皇帝諱秀字文叔

東觀漢紀曰皇考初為濟陽有武帝行過宮常封閉上將生皇考以令舍下濕開宮後殿居之建平元年十二月甲子夜上生時有赤光室中盡明皇考異之使卜者王長占之長曰此兆吉不可言是歲縣界有嘉禾一莖九穗縣大豐熟因名上曰秀是歲鳳凰來集濟陽故宮

詳校官侍讀學士臣沈咸殿

員外郎臣牛稔文覆勘

總校官降調編修臣倉聖脈

校對官助教臣胡子襄

謄錄監生臣苗序洙

欽定四庫全書

太平御覽
卷九十九

二

皆畫鳳凰聖瑞明兆始於此上為人隆準日角大口美鬚眉長七尺三寸仁智明遠多權略樂施受人在家重慎畏事勤於稼穡兄伯升好俠非笑上事田業比之高祖兄仲升年九歲而南頓君卒隨其叔公在蕭入小學後之長安受尚書經師事盧江許子威大義略舉因學世事朝政美惡必先聞知具為同舍解說南陽大人往來長安為之邸閒稽疑議嘗訟逋租于大司馬嚴尤尤見而奇之宛大姓李伯玉從弟軼數遣客求上上欲避

之先是伯玉同母兄公孫臣為醫伯升請呼難伯升殺之上恐其怨故避之使來者言李氏欲相見甚誠無他意上乃見之懷刀自備入見因始侯兄弟為上言天下擾亂飢餓下江兵盛南陽豪石雲擾因具言誠文事上殊不意獨內念李氏富厚父為宗卿師語言譎詭殊非次第嘗疾毒諸家子數犯法令李氏家富厚何為如是不然諾其言諸李遂與南陽府掾史張順等連謀上深念良久天變已成遂市兵弩絳衣赤幘時伯升在春陵

欽定四庫全書

太平御覽
卷九十九

三

亦已聚會客矣上歸舊廬望見廬南若火光以為人持火呼之光遂盛赫然屬天有頃不見異之遂還歸宅乃與伯升相見初伯升之起也諸家子弟皆逃自匿曰伯升殺我及聞上至絳衣大冠將軍服乃驚曰以為獨伯升如此也素謹厚亦如之皆合會共勞饗新市平林兵王鳳王匡等因率舂陵子弟隨之兵合七八千上騎牛與俱進殺新野尉後乃得馬進圍宛城王莽遣大司徒王尋大司空王邑將兵來征更始立以上為太常偏

將軍時無印得定武侯家丞印佩之二公兵到潁川嚴尤陳茂與合尤問城中出者言上不敢取財物但合會諸兵為之計策尤笑言曰是美鬚眉目者耶欲何為乃如此初莽遣二公欲盛威武以振山東至驅虎豹犀象奇偉猛獸以畏人巨無霸為壘尉自秦漢以來師出未嘗有也上邀之於陽關二公兵盛漢兵反走上馳入昆陽諸將惶恐各欲散歸與諸將議城中兵殺少宛城未拔力不能相救今昆陽即破一日之間諸將亦滅不同力

救之反欲歸守其妻子財物耶諸將怒曰劉將軍何以敢如此上乃笑且去唯王常是上計會侯騎還言大兵已來長數百里望不見其後尾前已至城北矣諸將遽請上上到為陳相救之勢諸將素輕上及迫急上為畫成敗皆從所言二公兵已五六萬到遂還城作營圍之數重雲車十餘丈瞰臨城中旗幟蔽野塵烟連雲金鼓之聲數十里或為地道或為衝車撞城積弩射城中矢下如雨城中負戶而泣二公自以為功在漏刻有流星墜營中正晝有雲氣如壞山當營而墮不及地尺而散吏士皆厭伏時漢兵在定陵郾者聞二公兵盛皆怖上歷說其意為陳天命請為前行諸部堅陳上將步騎千餘前去大軍四五里二公遣步騎數千合戰上奔之斬首數十級諸部將喜曰劉將軍平生見小敵怯今見大敵勇甚奇怪也上復進二公兵却諸部乘之斬首數百千級連勝遂令輕足將書與城中諸將言宛下兵復到而陽墜其書二公得書讀之恐上遂選精兵三千人從

城西水上奔衝二公兵於是大奔遂北殺司徒王尋而昆陽城中兵亦出中外並擊會天大雷風暴雨下如注水潦潦川盛溢二公大衆遂亂奔赴水溺死者以數萬澠水為之不流王邑嚴尤陳茂輕騎棄死人渡澠水逃去漢軍盡獲其珍寶輜重車甲連月不盡五月齊武公拔宛城六月上破二公於昆陽破宛後數日收伯升部將劉稷而伯升強爭之更始遂用譖愬復收伯升即日皆物故上在父城徵詣宛拜上為破虜大將軍封武信侯更始欲北之雒陽以上為司隸校尉先到雒陽整頓官府三輔吏士東迎更始見諸將過者已數十輩皆冠幘衣婦人衣諸子繡襦諸子大提衣也如婦人之襦衣者自閭之而謂之繡襦此是大為長安所笑知者或畏其衣卉亡入邊避之及見司隸官屬皆相指視之極望老吏或垂涕曰復見漢官儀體賢者蟻附更始以上為大司馬遣之河北十月上持節度孟津鎮撫河北安集百姓趙繆王子林立邯鄲卜者王郎為天子移檄購求

欽定四庫全書

太平御覽
卷九十九

六

上十萬戶世祖引兵攻邯鄲連戰郎兵挫折郎遣諫議大夫柱長威見公據地曰實成帝遺體子與也公曰正使成帝復生天下不可復得也況詐子與乎長威請降得萬戶侯公曰一戶不可得長威曰邯鄲雖鄙君臣併力城守尚可支一歲終不君臣相率而降但得全身可也辭去而郎少傅李立及郎開城門漢兵破邯鄲誅郎入宮收文書得吏民謗毀公言可繫者數千章公會諸將燒之曰令反側者自安也更始遣使者持節立公為

欽定四庫全書

太平御覽
卷九十九

七

封自漢草創德運正朔服色未有所定高祖因秦以十月為正以漢水德立北時而祠黑帝至孝文賈誼公孫弘以為秦水德漢當為土德至孝武倪寬司馬遷猶從土德自上即位案圖讖推五運漢為火德周蒼漢赤水勝火赤代蒼故上都雒陽制郊祀於城南行夏之時犧牲尚黑明火德之運旗幟尚赤四時隨色郊祀帝堯以配天宗高祖以配上帝上遣遊擊將軍鄧隆與幽州牧朱浮擊彭寵隆軍徹路浮軍雍奴相去百餘里遣吏上奏言寵破在旦暮上讀檄未竟怒曰兵必敗北汝歸可知吏還未至隆軍果為寵兵掩擊破浮軍遠至不能救以兵走幽州咸曰上神三年十月上幸春陵祠園廟大置酒與春陵父老故人為樂四年五月上幸靈奴為征彭寵故也自王莽末天下早霜連年百穀不成元年之初耕作者少民飢饉黃金一斤易粟一石至二年秋天下野穀旅生麻菽尤盛或生於菜菓實野蠶成繭被山民收其絮採獲穀果以為蓄積是歲野穀生者稀少而

欽定四庫全書

太平御覽
卷九十九

七

南畝亦益開矣六年二月吳漢下朐城天下悉定唯獨公孫述隗囂未平上曰姑置此兩子於度外乃休諸將置酒賞賜之每幸郡國下與見吏輒問以數十百歲能更次第下及掾史簡練臣下之行下無所隱其情道數十歲事若案文書吏民驚惶不知所以人自以見識家自以蒙恩遠臣受顏色之惠坐席之間以要其死力當此之時賊檄日以一日數憂不可勝上猶以餘閒講經藝發圖讖制告公孫述署曰公孫皇帝囂雖遣子入侍欽定四庫全書

太平御覽
卷九十九

尚持兩心囂故吏馬援謂囂曰到朝廷凡數十自古世主未嘗有明主如此也材智驚人其勇非人之敵開心見誠與人語好醜無所隱諱圖講天下事極盡下恩兵事方略量敵校勝闊達多大節與高帝等經學博覽政事文辯前世無比囂曰如卿言勝高帝耶曰不如也高帝大度無可無不可今上好吏事動如節度不飲酒囂大笑曰如卿言反復勝耶七年正月詔羣臣奏事無得言聖人有舊制上書以青布囊素裹封書不中式不得

上既上詣北軍待命前後相屬連歲月乃史上躬親萬幾急於下情乃令上書啓封則用不得引經書取其文字而已奏諸闕平旦上其有當見及寃結者常以日出時驛騎馳出召入其餘以次聽中使者出報即罷去如神遠近不偏幽隱上達民莫敢不用情追念前世園陵至盛王侯外戚葬埋僭侈吏民相効浸以無限詔語天下令薄葬八年閏四月車駕西征河西大將軍竇融與五部太守步騭二萬迎上隗囂士衆震壞皆降囂走西

欽定四庫全書

太平御覽
卷九十九

九

城吳漢岑彭追守之九年正月隗囂餓出城食糧糗糒腹脹死十一年十一月吳漢引兵擊公孫述入捷為界小縣多城守未下詔書告漢直擁兵到成都據其心腹後城營自解散漢意難前獨言朝廷以為我縛賊手足矣遣輕騎至成都燒市橋武陽以東小城皆奔走降竟如詔書漢兵乘勝追奔述拒守詔書又戒漢曰成都十萬餘衆不可輕也且堅據廣都城去之五十里待其即營來攻罷倦引去乃首尾擊之勿與爭鋒述兵不敢

欽定四庫全書

太平御覽
卷九十九

十

來轉營即之移徙輒自堅十一月衆軍至城門迷自將
背城而戰吳漢鼓之述軍大破刺傷述扶輿入壁其夜
死夷述妻子傳首於洛陽縱兵大掠舉火燔燒上聞之
下詔讓吳漢副將劉禹曰城降嬰兒老母口以萬數一
旦放兵縱火聞之可爲酸鼻禹宗室子孫故嘗更職何
忍行此仰視天俯視地觀於放虜毀美之事二者孰仁
且失斬將弔民之義又議漢殺述親屬太多是時名都
王國有獻名馬寶劍直百金馬以駕鼓車劍以賜騎士
苑囿池籞音者之官廢弋獵之事不御性不喜聽音樂手
不持珠玉衣服大綯而不重綵征伐嘗乘車輿羸馬公
孫述破益州乃傳送督師郊廟樂祿車乘輿物是後乃
稍備具焉述伏誅之後而事少閒官曹文書減舊過半
下縣吏無百里之絲民無出門之後十九年上幸南陽
汝南至南頓止令舍大置酒賜吏民復南頓田租一歲
吏民叩頭言皇考居此日久陛下發祥之地每來輒加
厚恩但復一歲少薄願復十歲上曰天下重寶大器常

欽定四庫全書

太平御覽
卷九十九

十一

恐不任日慎一日安敢自遠期十歲復增一歲二十年
六月上風眚黃璋病發甚以衛尉關內侯陰興爲侍中
興受詔雲臺廣室二十六年正月詔曰前以用度不足
吏祿薄少乃自益其俸自三公下至佐吏各有差四月
始營陵地於臨平亭南詔曰無爲山陵陂池裁令流水
而已迭興之後亦無丘壘使合古法今日月已逝當預
自作臣子奉承不得有加乃令陶人作瓦器

又曰臨平望平陰河水洋洋舟船泛泛善矣夫周公孔
子有不得存安得松喬與之而共遊乎文帝晚終始之
義景帝所謂孝子也故遭反復霸陵獨完非成法耶上
自細書一劄十行報郡縣旦聽朝至日仄夜講經聽誦
坐則功臣特進在側論時政畢道古今事次說在家所
識鄉里能吏次第比類又道忠臣孝子義夫節士坐者
莫不激揚悽愴欣然和悅羣臣爭論上前嘗連日皇太
子嘗承閒言陛下有禹湯之明而失黃老養性之道今
天下大安少省思慮養精神上答曰我自樂此三十年

有司奏封禪詔曰災異連仍日月薄食百姓怨歎而欲有事於太山汙七十二代編錄以羊皮雜紹裘何強顏耶三十年羣臣復奏宜封禪遂登太山勒石紀號改元為中平三年春正月初立北郊祀后土東夷倭奴國遣使入貢二月戊戌帝崩在位三十三年時年六十有二遺詔曰朕無益百姓如孝文皇帝舊制葬務從約省剝史二千石長皆無離城郭無遣吏及因郵奏太子襲尊號為皇帝羣臣奏謚曰光武皇帝廟曰世祖三月莫原

欽定四庫全書

太平御覽
卷九十九

十三

陵

東觀漢紀曰上破王郎還過鄴禹營禹進食炙魚上大食啖時百姓以上新破大敵欣喜聚觀見上食啖勞勉將士威嚴甚屬於是皆竊言曰劉公真人也

又曰隗囂遣馬援奏詣京都上出在宣德殿南廡下引援入與相見上曰卿速遊二帝間見卿使人慙援曰因天下反覆而盜賊自名姓者不可勝數也陛下寥廓大度同符高祖乃知帝王自有真也

又曰帝既有仁聖之明氣勢形體天然之姿固非人之敵翕然龍舉雲興霖雨而濟天下蕩蕩乎人無能名焉帝王世紀曰玄晏先生曰左氏春秋稱夏少康之起有田一成有衆一旅若漢之再命世祖不階成旅之資平暴反正遂建中興夏康同美矣

袁山松後漢書曰前漢自成哀已下天地縱橫巨猾竊命劉氏舊澤雖在而瞻烏之望幾絕世祖以眇眇之祚起於白水之濱身屈更始之助位與羣豎並列于時懷

欽定四庫全書

太平御覽
卷九十九

十三

璽者十餘建旗者數百高才者居之南面疾足者為之王公茫茫九州瓜分齷切泯泯蒼生塵消鼎沸我扇之以仁風驅之以大威霜雪被而荆棘枯網維振而逆鱗掃塵才畢奏人思盡能數年之間廓清四海雖曰中興與夫始創業者庸有異乎誠馬生之言固以寥廓大度同符高祖又資太宗之仁燕孝宣之明一人之體其殆同乎故能享有神器據乎萬物之上矣
會稽典錄曰上在長安中餘姚嚴遵俱共受學結好建

元元年徵遵拜為諫議大夫共上宿遵以足加帝腹其夜客星犯帝座太史以聞上曰昨與嚴子陵卧也

續漢書曰昔羿浞篡夏數十年少康生為仍牧正能修德復夏厥勲大矣然尚有虞思及靡有鬲内外之助至於光武承王莽之篡起自匹庶一民尺土靡有憑焉發迹於昆陽以數千屠百萬非膽智之主孰能堪之討賊平亂克復炎漢號稱中興者無以加之矣中國既定系速以德愛慎人命下及至賤武功既抗文德聿脩勲績欽定四庫全書

太平御覽
卷九十九

十四

弘矣

薛瑩漢紀曰王莽之際天下雲亂英雄並發其跨州據郡僭制者多矣大皆異於非望然考其聰明仁勇自無光武儔也弘寬博納計慮如神是以任光實融望風景附焉援一見觀顏識竒故能以十數年間掃除羣凶清復海內豈非天之所輔贊哉古者師不內御而光武命將皆授以方略使奉圖而進其違失無不折傷意豈文史之過乎不然雖聖人其猶病諸

更始

東觀漢紀曰劉玄字聖公光武族兄也弟為人所殺聖公結客欲報之客犯法聖公避吏於平林吏繫聖公父子張聖公詐死使人持喪歸舂陵吏乃出子張聖公因自逃匿王莽末南方飢饉人庶羣入野澤掘鳧茈而食更相侵奪新市人王匡王鳳為平理諍訟遂推為渠帥眾數百人諸亡命往從之數月間至七八千人號新市兵平林人陳牧廖湛復聚千餘人號平林兵聖公入平林欽定四庫全書

太平御覽
卷九十九

十五

中與伯升會遂共圖宛聖公號更始將軍自破甄阜等眾庶來降十餘萬諸將立劉氏南陽英雄皆歸望於伯升然漢兵以新市平林為本其將帥素習聖公因欲立之而朱鮪立壇城南濱水音者上詣伯升呂植通禮經為謁者將立聖公為天子議以示諸將馬武王匡以為王莽未滅不如且稱王張卬拔劍擊地曰稱天公尚可稱天子何謂不可於是諸將軍啟於聖公至於壇所奉通天冠進聖公於是聖公乃拜冠南面而立改元為更始

元年上為太常偏將軍上破二公於昆陽城而更始攻劉縯及伯升即日皆物故上馳詣宛謝罪更始大慙長安中兵攻王莽斬首收璽綬詣宛更始入使坐黃堂上視之曰莽不如如此當與霍光等更始韓夫人曰莽不如此帝那為得之更始欲都洛陽李松等自長安傳送乘輿服御物及中黃門從官至洛陽關中咸相望天子更始遂西居東宮鼓鍾帷帳宮人數千官府閭里安堵如舊更始上前殿郎更以次侍更始顧刮席與小常侍語郎更怪之更始委政於趙萌曰在後庭與婦人耽飲諸將軍言事更始醉不能見韓夫人尤嗜酒每侍飲見常侍奏事輒怒曰帝方對我飲正用此時持事來乎起抵破書案所置故守文錯州郡不知所從趙萌以私事忤侍中侍中曰陛下救我更始言大司馬縱之萌曰臣不受詔遂斬之又所置官爵皆出羣小被服不法或繡面衣錦襦襜褕諸子為百姓之所賤長安中為之歌曰竈下養中郎將爛羊頭關內侯其冬赤眉十餘萬人入關

引兵入上林更始騎出厨城門諸婦女皆從後車呼陛下當下拜城更始下拜復上馬乃去至高陵上聞更始失城乃下詔封更始為淮陽王而赤眉劉盆子亦下詔以聖公為長沙王更始嘗依謝祿居劉恭亦擁護之三輔苦赤眉暴虐皆憐更始而張印等以為慮謂祿曰今諸營長多欲篡聖公者一旦失之合兵攻公自滅之道也于是祿使從兵與更始共牧馬于郊下因令縊殺之帝王世紀曰更始名玄字聖公即位凡三年

欽定四庫全書

太平御覽卷九十一

宋 李昉等 撰

皇王部十六

後漢顯宗孝明皇帝 肅宗孝章皇帝

穆宗孝和皇帝 孝殤皇帝

恭宗孝安皇帝 少帝北鄉侯

顯宗孝明皇帝

欽定四庫全書

太平御覽
卷九十一

東觀漢紀曰孝明皇帝諱陽一名莊世祖之中子也母光烈皇后初讓尊位為貴人故帝十二歲以皇子立為東海公三歲進爵為王幼而聰明睿智容貌莊嚴世祖異焉數問以政議應對敏達謀謨甚深溫恭好學敬愛師傅所以承事兄弟親密九族內外周洽世祖愈珍上德以為宜承先序建武十七年十月詔廢郭皇后立陰貴人為皇后以東海王立為皇太子治尚書備師法兼通九經畧舉大義博觀羣書以助術學無所不照中平

二年二月世祖崩皇太子即位永平二年二月上初臨

辟雍行射禮十月上幸辟雍初行養老禮甲子上幸長

安祠高廟遂有事於十一陵歷覽館舍邑居舊處會郡

縣吏勞賜作樂三年十月上與皇太后幸南陽祠章陵

周觀舊廬召見陰鄧故人上在于道所幸見吏勞賜省

事畢步觀行部署不用輦車夜讀眾書乙更盡乃寐先

五鼓起率常如此五年十月上幸鄴用常山三老言復

元氏縣田租八年十月上臨辟雍養三老五更禮畢上

欽定四庫全書

太平御覽
卷九十一

手書赦令尚書僕射持節詔三公十年閏月行幸南陽

祠章陵以日北至復祠於舊宅禮畢召校官弟子作雅

樂奏鹿鳴上自御墳麓和之以娛嘉賓至頓勞饗三老

官屬是時天下安平人無徭役歲比登稔百姓殷富粟

斛錢三十牛羊被野十三年二月上耕籍田禮畢賜觀

者食有諸生前舉手曰善哉文王之遇太公也上書板

曰生非太公乎亦非文王也十五年二月東巡狩三月

幸孔子宅祠孔子及七十二弟子親御講堂命太子諸

王說經幸東平王宮上憐廣陵侯兄弟賜以服御之物
又以皇子與馬悉賦子之十七年春甘露仍降樹枝內
附芝生前殿神雀五色翔集京師是夜上夢見先帝太
后夢中喜覺因悲不能寐明旦上令百官採甘露客悉
會太常丞上言陵樹華有甘露上令百官採甘露受賜
畢罷上從席前伏御牀視太后鏡奩中物流涕勅易奩
中脂澤粧具自帝即位遵奉建武之政有加而無損初
世祖閔傷前世權臣太盛外戚預政漢家中興唯宣帝
取法至於建武朝無權臣外族陰郭之家不過九卿親
屬勢位不能及許史王氏之半至永平后妃外家貴者
裁家一人備列將校尉在兵馬官充奉宿衛閭門而已
無封侯預朝政者自皇子之封皆減舊制諸王皆當略
與楚淮陽相比什減三四曰我子不當與先帝子等又
國遠而小於王善節約謙儉如此八月帝崩于東宮前
殿在位十八年時年四十八謚曰孝明皇帝葬顯節陵
十二月有司奏上尊號曰顯宗廟與世宗廟同而祠祫

祭於世祖之堂共進武德之舞如孝文皇帝祫祭高廟
故事孝明皇帝尤垂意於經學即位剛定擬議稽合圖
讖封師太常桓榮為關內侯親自制作五行章句每餐
射禮畢正坐自講諸儒並聽四方欣欣是時學者尤盛
冠帶搢紳遊辟雍而觀化者以億萬計

又曰建武四年五月甲申皇子陽生豐下銳上顏赤色
有似於堯上以赤色名之曰陽至十三年通春秋上循
其頭曰吳季子陽對曰愚慧無比及阿孔母以問師傅
曰太子所對師傅無以易其辭

華嶠後漢書明帝性褊察嘗以事怒郎藥崧以杖撞崧
崧走入牀下上怒甚疾言曰郎出郎出崧曰天子移移
諸侯皇皇未聞人君自起撞郎上乃赦之

又曰世祖既以吏事自嬰帝尤任文法摠攬威柄權不
借下值天下初定四民樂業戶口滋植斷獄得情號居
前世之十二中興已來追蹤宣帝夫以鍾離意之廉淳
諫諍懇懇以寬和為首以此推之斯亦難以德言者也

薛瑩漢紀贊曰明帝自在儲宮而聰允之德著矣及臨萬幾約身率禮恭奉遺業一以貫之雖夏啟周成繼體持統無以加焉是以海內乂安四夷賓服斷獄希少有治平之風號曰顯宗不亦宜乎

潛夫論曰明帝時公車以及吏皆不受章奏帝聞而恠之蠲其制

後漢書曰明帝遵奉建武制度無敢違者後宮之家不得封侯與政館陶公主光武之女為子求郎不許而賜

欽定四庫全書

太平御覽
卷九十一

五

錢千萬謂羣臣曰郎官上應列宿出宰百里苟非其人則人受其殃是以難之故吏稱其官民安其業遠近肅服戶口滋殖焉

後漢書論曰帝善刑理法令分明日晏坐朝幽枉必達外內無倖曲之私在上無矜大之色斷獄得情號居前世之十二故後之言事者莫不先建武永平之政然而鍾離意宋均之徒常以察慧為言夫豈弘人之度未優乎

肅宗孝章皇帝

東觀漢紀曰孝章皇帝諱炟孝明皇帝第五子也永平三年二月以皇子立為太子年四歲幼而聰達才敏多識世事動容進止聖表有異壯而仁明謙恕溫慈惠和寬裕廣博親愛九族矜嚴方屬威而不猛既志於學始治尚書遂兼五經周覽古今無所不觀由是上敬重之每事諮焉永平十八年孝明皇帝崩帝即位

范曄後漢書曰章帝建初元年詔有司明選舉進柔良退貪猾順時令理冤獄又詔以上林池籩田獵與貧人

欽定四庫全書

太平御覽
卷九十一

六

四年詔曰蓋三代導人教學為本漢承秦衰顯儒術建立五經為置博士其後學者精進雖曰師承亦別名家孝宣帝以為去聖久遠學不厭博故遂立大小夏侯尚書後又立京氏易至建武中復置嚴氏顏氏春秋大小戴禮博士此皆所以扶進微學尊廣道藝也孔子曰博學而篤志切問而近思仁在其中矣於是下太常將大夫博士議郎郎官及諸生諸儒會白虎觀講議五經同異使五官中郎將魏應承制問侍中淳于恭奏帝親稱

制臨決如孝宣甘露石渠故事作白虎議奏今白虎通也元

和二年正月詔書人有產子者復勿算三歲令諸懷妊

者賜胎養穀三斛復其夫勿算一歲著以為令又詔三

公曰方春生養萬物孳甲宜助萌陽以育時物其令有

司罪非殊死且勿案驗章和元年八月南巡狩幸梁遣

使祠沛高原廟豐粉榆社二年正月帝崩於章德前殿

在位十二年時年三十一遺詔無起寢廟一如先帝法

制墓敬陵廟曰肅宗

欽定四庫全書

太平御覽
卷九十一

七

論曰魏文稱明帝察察章帝長者章帝素知人厭明帝

苛切事從寬厚感陳寵之義除慘獄之科深元元之愛

著胎養之令奉承明德太后盡心孝道割裂名都以崇

建周親平徭簡賦而人賴其慶又禮之以忠貞文之以

禮樂故乃藩輔克諧羣后德讓謂之長者不亦宜乎

東觀漢紀序曰書云孝乎惟孝友于兄弟聖之至要也

朝乾夕惕寅畏皇天帝王之上行也明德慎罰湯文所

務也密靜天下容於小大高宗之極至也肅宗無茲四

德以繼祖考臣下百僚力誦聖德紀述明詔不能辯章
豈敢空言增廣以累日月之光

索山松後漢書曰孝章皇帝弘裕有餘明斷不足觀聽

易感外戚擅寵惜乎若明章二主損有餘而補不足則

古之賢君矣

薛瑩漢紀贊曰章帝以繼世承平天下無事敬奉神明

友于兄弟息省徭賦綏靜兆民除苛法蠲禁錮抑有仁

賢之風矣是以陰陽協和而百姓安樂衆瑞並集不可

欽定四庫全書

太平御覽
卷九十一

八

勝載考之圖籍有徵云爾

帝王世紀曰孝章皇帝以中和元三年生於京師其母

姓秘不出號其墓曰長信家

三輔法錄注曰何敞字文高為汝南太守章帝南巡過

郃有刻鏤屏風為帝張設詔命侍中黃香銘之曰古典

務農雕鏤傷民忠在竭節義在脩身敞懼禮賢命士改

脩德化

穆宗孝和皇帝